

新刊國朝二百家名賢文粹

新刊 國朝二百家名賢文粹卷第一百二十

註

郡國學記五

果州州學記

西山先生

上中興之十七年既用景德舊章從大敵國要結好命以幸南  
北之民然天下敝於武事其當更始者不可勝舉咸觀上之設  
施後先以向休息之期上首教有司嚴法駕視太學禮先聖先  
師幸敦化堂延見諸生命博士即聖讀進說于前所以旌勸其  
寵尋詔天下興學復享庠之負數親御翰墨書六藝之文刻之  
玉石為訓於是四方万里之遠人士咨歎歡抃益知前所遭餘  
鏹塗炭之禍非上之好兵也嗚呼盛哉其年秋果州之學成州  
舊有學已廢今知州王君陞之至也周視太息樂以詔書從事  
凡為屋百楹高明深靜得古泮宮之制藏九經百氏之書千餘  
卷為俎豆邊籩尊爵簠簋等器考於古圖皆合王君於此無遺

力矣尚經紀其餘資以增永食用意其遠曾上命宣厥行其臺取  
士以奉大庭之對州之士多在選中遠近異之王君行終更若  
有不能者故屬予為記予昔遊南亢熟其風教甚美又嘗與王  
君為僚知其君子也王君為州有惠愛於士若期以遠者大者  
夫士誠意正心脩其身則可以治國家天下此致知格物之大  
不止挾文辭議論以干世取祿也士能知此則不枉明天子之  
詔無負賢太守之德矣年月日左朝奉大夫新差權知黎州軍  
州兼管內勸農事借紫金魚佩邵博記

武寧縣學記

箕山先生

聖人之所謂道者本以修諸身而已天下見其然乃尊而號之  
曰儒儒之力苟施之於外則大足以治天下小足以範一鄉古  
之願治者知其然也思有以招徠之於是聘之於其鄉貧之於  
其大夫三老焉然猶不敢以其道獨善其身乃始於區內區內  
之民被屋澤蒙休德者遂以長叢佚以壽有不獲聘而賓之

也則以其道記之於空言尚無幾乎後之人得以用於天下故  
得施於時而見於事者則是仁義之載於其耳目者也其不得  
施於時而著於書者則是仁義之散於其口者也夫豈以斯道  
為沽聲慕高爵爵祿之器也哉自漢顯立為取士之科方以斯道  
為筮仕之具矣然既得之猶終身專門不敢叛其所習凡議法  
令商政事則必傳以古義曰吾夫子之徒云尔捨諸漢氏而下  
其可勝言哉夫享古所以求入官者也既入官乃不古之享而  
惟求法律應會期以不給為憂規昔者呻吟之編以為吏科可  
也其將無豫於政焉至蟬食鼠齷弄不復省又孰暇問吾夫子  
俎豆之所也汝陽馮獻道始卒於禮部禮部以其名上於天子  
天子官之來尉於茲邑獨不能忘所享慨然願饗舍頃頃而嘆  
之曰今天佛老氏巫覡氏皆以衣食其神之故則知嚴其棟宇  
潔其案盛而吾夫子之徒既已貧其葉免於齊民之版而登于  
百執事之籍事其師者乃反出其下遠其師之不崇則於其道

何有安而不作我則有罪即請于令以紹興二十一年十二月  
戊寅廣曼而新之其四墉繪其高第七十子及諸先賢之像我  
冠垂紳左珩右璜儼若侍闕里而游洙泗者也邑子弟觀之其  
益加敬於吾夫子之道而復講問有進肄業有房釋菜有庖予  
聞之以為法宜書使為士者知在家而習之在邦而行之終始典  
于學悉如執道者則返三代之俗斯不難

綿州州學記

西山先生

夏曰校商曰序周曰庠則置天子之都而天子甸服之外公侯  
伯子男之國亦各有之九年十五則入小學十八則入大學春  
夏享于戊小樂止大胥教之贊之秋冬享于羽籥箜篌師承教之贊  
之習射習鄉者皆至焉非特士也王太子王子群后之太子卿  
大夫元士之適子舉皆至焉其有不來者三公九卿大夫元士  
皆入學尚不變則王親視孝故有事變成焉有征伐獻誠焉有  
獄訟獻囚焉國之士蓋未有不由於是者焉然所以學者

羽絳節而已其効乃至于民化而俗成三代之際於斯為盛後世  
孰無學哉願與公卿大夫各治其職自為一有司而不相通其  
鄉之秀民來而為弟子貢者所習惟其言其於國之治亂民之  
休戚以為吾死與焉公卿大夫亦曰彼所聘非吾事也其亦無  
与焉公侯伯子男之君亦曰吾鄉之秀民姑於是待聘吾將論  
定而後官之古之所謂庠也序也校也所以養天下之才而作  
成王之太子王子群后之太子卿大夫元士之適子凡國之治  
亂民之休戚屬焉其事蓋大矣后出乃莫知古之為教者何也  
干戈羽籥者文武之道而寓於器者也執其器則求其道蓋賈  
而近於實故如夫子戰則克祭則受福矣捨干戈羽籥而專乎  
詩書禮樂則蔽於文而近華文武始判矣學者皆負於力而溺  
於其言以無適於用漢之平津侯兒大夫則不為衛霍其功矣  
豈特庠也序也校也為虛器耶始予過巴西郡其黌舍不修明  
年過之則修矣教授楊岳進曰黌舍固修矣又市田五十餘畝

為吾弟子負者有以食鄉長者之力而拜大夫之勸也子歎曰  
鄉之長者能憫其舊而新之有不待化而成者此邦之俗其將  
近於古歟上之人無謂予非其職而務盡復于古有求必於是  
焉謀而如三代之時則予之望也

信陽軍改建學記

洪內翰

學為王者事三代共之然非遭世大寧不克也靖康建炎之際  
九縣霧集淮漢最不幸莽為戰場真人御天中興馴復者定而  
被苗深處夷傷已酷膏肓之疾未瘳又加厭焉正万金良藥蚤  
夜扶拯勢不得為壯人明句信陽是已蓋自申伯始撤國歷漢  
晉朝南北瓜分鎮以司州莫府襟襄帶隋肘掣唐蔡遂為必爭  
要區直轅箕阮之隘黃峴武陽之阻苗矛長鋌日尋於山谷間  
人如驚鳥靡无所定止何況于今標榜一邦不能滿四千至凋弊  
極矣烏識所謂思樂頌水青青於佩者哉固嘗依興國僧房飾  
名曰李坡立瑤叢薄財失一段功製簡短春秋釋奠殆无在可

立過者視如賈而襄番陽余侯重出守隨其大野訪義陽山  
東有鄉先生張如松空地并將經營改爲耒耨而去越十有三  
載河內閔侯良目至銳然謀必成造意之初張子閔從父公命  
盡持地予官即日作殿堂齋廬以楹計者合五十鮮一錢之費  
必出於公片瓦寸椽不忍民爲取山川秀麗室宇敞豁高明焚  
塏市貨之聲弗聞且將料籍田使居者續食是區區者一旦詩  
書誦而乃幾與齊魯氣習不異旁左郡邑皆相傳歎李良以爲  
莫可及方朝家垂意長吏命教爲孝則祭官育士職應亦宜若  
其易不難顧施之美聞江越間可也茲壤土斗大當理棄補取  
之余賴賦益數數米填瑣而勒之懼不給尚何暇請調繩墨軼  
思慮於按席外乎侯爲政於是爲可書矣侯甫冠鼓篋游膠庠  
挹雋聲作詩勒文選理既而用門功策武爵故相國文靖公  
雅知之邁亦奉詔旨薦臨邊州聞其設施章章爲躍如以善俘  
來謁記取把筆不辭信陽率郭晞宗行教授事與諸至之長利



先脩蔡居仁陳晉之及張君皆致力於斯役宜一切得書紹熙  
二年十二月四日記

靜江府學記

南軒先生

國朝學校徧天下秦漢以來所未有也桂林之學自唐大曆中  
觀察使李昌巖經始于郊而熙寧中徙于郡城東南隅乾道三  
年知府事張侯維又以其地堙陋更相夾瑄得淫暑廢堂甕故  
始安郡治請于朝而遷焉侯以書來曰願有以告于桂之士其  
惟古人所以從事於學者其果何所為而然哉天之生斯人也  
則有常性人之立乎天地之間也則有常事在身有一身之事  
在家有一家之事在國有一國之事其事也非入之所能為也  
性之所有也弗勝其事則為弗有其性弗有其性則為弗克若  
天矣克保其性而不悖其事所以順乎天也然則捨講學其能  
之哉凡天下之事皆人之所當為君臣父子兄弟夫婦朋友之  
際人事之大者也以至於視聽言動周旋食息至纖至悉何莫

非事者一事之不贊則天性以之陷溺也然則講學其不可  
汲乎學所以明万事而奉天職也雖然事有其理而者於善心  
心者也万事之宗也惟人放其良心故事失其統紀學也者所  
以收其放而存其良也夏為而冬裘飢食而渴飲理之所固有  
而事之所當然者凡吾於万事皆見其若是也而後為當其可  
事者求乎此而已嘗謂怪今世之學者其所從事往往異乎是  
鼓篋入學抑亦思吾所謂學字者果何事乎聖人之立教者果何  
在乎而朝廷建學群聚而教養者又果何為乎嗟夫此獨未之  
思而已矣使其知所思則必竦然動于中而其朝夕所接君臣  
父子兄弟夫婦朋友之際視聽言動之間必有不得而遁者庶  
乎可以知入德之門矣某也不敢河足以啓告於人辱侯盛意  
勉為之書

泰州學記

同前

淳熙五年秋八月某來宜春至之明日州學教授李中興州之

古舍辭來言宣春之學自皇祐中太守祖无擇實始爲之今日  
有一十五年矣中更兵革廢而復興惟是庠陋弗克稱至于今  
守乃慨然按尋舊規首闢講肄之堂立稽古閣於堂上生師之  
舍皆撤而一新之將告成而君侯適來敢請記以詔多士其謝  
不敏則請益堅乃進而告之曰先生所以建孝造士之意亦豈  
攷之乎惟民之生其典有五君臣父子兄弟夫婦朋友是也而  
其德有四仁義礼智是也人能充其德之所固有以卒天典之  
所當然則必無力不足之患惟人之不能是也故聖人使之孝  
焉自唐虞以來固莫不以是教矣至于三代之世立教人之所  
設官以董蒞之而其法益加詳焉然其所以爲教則一道耳故  
曰學則三代共之皆所以明人倫也嗟夫人倫之在天下不可  
一日廢廢則國隨之然則有國者之於孝其可一日而忽哉皇  
朝列聖相承留意教養所以望於多士甚厚三代而下言學校  
之盛未有若此時也然則教於斯孝於斯者其可不深攷先王

達學造士之本意而勉之乎惟四德之在人各具於其性人病不能求之耳求之之方載於孔孟之書備有科級惟致其知而後可以有明惟力其行而後可以有至孝弟之行始乎閨門而形於鄉黨忠愛之實見於事君而推以澤民是則無負於國家之教養而三代之士風亦不越是而已嗟乎可不勉哉於是書以爲記今守名杓寶某之弟也是月庚戌記

雷州學記

同前

淳熙四年秋知雷州李侯以書來告曰雷舊有學宮比歲白以頽壞今焉葺治一新願請記以詔其士且希白先生嘗爲是州宜公之所加念也惟希白先生實某之曾大父至和元年以殿中丞來守雷州今廳壁俱存故李侯援以爲請然某幸得侑帥事于此所當以風教爲先務聞雷學之成雖微此請固願有以告也而况李侯之言如此哉嗟乎舜跖之分善與利之間而已矣譬之途焉善則天下之正達而利則山徑之邪曲也人願舍

其正而弗由以自身自陷於崎嶇荆棘之間獨何歎物欲蔽之而不知善之所以爲善故耳蓋三者之分其端甚微而其差則甚遠卒校之教將以講而明之也故自其幼則使之從事於洒掃應對進退之間以固其肌膚而束其筋骸又使之誦詩讀書講習禮樂以涵泳其情性而興發於義理師以導之友以成之故其所趨日入於善而自遠於利及其久也其志益立其知益新而明夫善之所以爲善則其於毫釐疑似之間皆有以詳辯而謹察之如駕車結駟徐行正遠所見日廣所進日遠雖欲馳之而使由於徑不可得已故曰少成若天性習貫如自然此孝之功也自卒校不明爲士者亦習於利而已故其處已臨事徇於便安而不知其右非所宜安也於富貴利達志未苟得而不知其有非所宜得也夫惟徇於便安而志其苟得則亦何所不至哉間視其所爲雖有涉於善事而察其所萌則亦未免出於有所爲而然至坎策讀書亦是意耳終身由之而以為當然是

人之情也哉故曰性相近也習相遠也可不畏與夫後之爲  
所以不及於古之世而其人才所以不及於古之人者常存  
古然則學校之教其所係顧不重矣哉今李侯既不鄙其士而  
新其學宮然其所以爲教者則又不可以不明也故予獨以爲  
利之說告之使不迷其所趨雷之士誠能因予之言如古之學  
者從事於洒掃應對之際以涵泳乎詩書禮樂之中從師親友  
久而勿舍將必有能辯之者亦非予言之所能盡也李侯有之  
邪長沙人

宜州學記

南軒先生

淳熙四年其備位廣右帥事以經略主管機密文字韓璧聞于  
朝曰璧清介豈弟願假守符俾放遠民詔爲宜州使道之官宜  
爲州被邊所控制非一前此爲州者日夜究切備禦崇繕治其  
之不暇莫遑他議韓侯至官既卒其職慨然念李學校委廢議所  
以修復之蓋積累而後成廟宮旣嚴講肄有堂生師有舍門無

有溜悉具谷境人士歎息誦詠評來請記方韓侯之為是季也  
或者切笑以為在邊州乃不急之務且曰固宜寡士亦何必汲  
汲為某攝以為不然蓋俎豆之修則軍旅之事斯循序而不忒  
教化興行則禍難之氣坐銷於冥冥之中詩曰既作泮宮淮夷  
攸服是有實理非虛言也建孝於此使為士者知名教之重礼  
義之尊修其孝弟忠信則其紳民亦將風動骨勸尊君親上叶  
力一心守固政克又孰禦樂近而吾民既已和輯則夫境外聚  
落聞吾風者亦豈不感動有以伏其心志柔其肌膚孰有不順  
況於秉彝之心人皆有之奇才之出何間遠近方固曰寡二然  
如唐張公九齡出於曲江姜公公輔出於日南皆表然著見於  
后世宜之士由是而作興安知異日不有繼二公而出者乎文  
安知其所成就不有過之者乎然則其可以寡士而忽諸故於  
其孝之成樂為書之

吏治不以學而文實遂分豈惟今哉文可喜而實不切則吏  
吏者忽之不講非學之上於文用意於其文者過也古之為學  
不必宮廟廩食之侈而實之者在首於四入蓋所謂作而行之  
者自有成說使工農商賈不能為吾之所為而後士可貴也井  
田既壞而一時迫急盡棄其實麗以欲速而文於無事既爭為  
浮豈特管商之罪道裂于時用之不近於進今人之食於古人  
器其實先以自力乃於簿書期會自吏以俗彼未肯安乎俗而  
抵吾以文則益病矣儒憚于吏則吏之俗有勝其實不分表裏  
緣飾周孔之所不盡言未可與不知者言也南文為州區為天  
寶民安於朴不浮于文詩書之習如河潤然有不源委邑名相  
如則長鄉之舊遊也後周省巴郡之安漢而將以安屬縣亦以  
文為可願者其俗亦華此名而多於儒獨孝官未補晉人各縣  
之意太守趙侯若拙方里遠來與民相安不閑而治明敏疎通  
則吏中儒不隨俗靡侯至之明年蜀苦旱修教不煩民志其荒



又於其暇大新三邑之學出帑羨以市田分給其廩凡五千五百緡而相如得一千五百緡有奇為田若干畝堂屋墻房民不知役傑然更新使士子一意以飲於學此意甚美學既成邑簿趙浮合邑士之詞走人資士正託於李石欲以永侯賜石固辭之而浮力請千里之往返不倦浮學士石甚又必非競飾於所不滿者則又知侯之盛德不可不書也雖然司馬長卿自欺於文邑士之所當戒靡靡不冉僅儕鄭衛論蜀之行至用興法以其文侈蜀而以實遺患者可勝言哉通夜郎西轡大發巴郡之卒此邑預焉今願習其文而忘其實之為然長卿可以厚愧于地下矣邑士繼今無惟其文之可慕尚勉其實以洗長卿不沒之愧此趙侯所深望者侯今政成將去必以文實為一則薄于帑已於刻者其兩舉乎一邑何私焉嘉道四年正月日記

富順監學記

方舟先生

仰惟紹興渡江在所立大學置博士弟子員郡國皆立學官以

廩士所以作文治恢壽造還幽遐陶土器也主上紹堯作  
馴用不改中外季校增定有加升才輩出輔成維熙其豈少哉  
富順為監治地為川徽三畝取士比列郡而泮宮庫序制度未  
洽善觀禮者以為必有仕此責矣守臣李適至之二日有謁且  
曰政無先於此即議之土木丹青蓋因舊致用事力不煩而  
神明恢拓豈特輪奐耳目而已哉橫經之室隸業之室升降有  
階食息有川而監之學具矣謹按富順本瀘之屬邑晉名富世  
唐改富義國朝又改富順而割瀘之邑別為監治初以年益  
取利而富其名者以世為義以義為順凡三易其名是必有訓  
且顏子原憲簞瓢為孔門高弟而陶朱荷頰所取孰名一州之  
士必知所擇矧夫侯之所以廣吾君作成重意而幸惠此邦者  
士子將何以副上所令與侯之德哉哦芹藻之章以旌志侯之  
賜而中和樂職守臣得以藉口以旌庭實者乙方里圃斯在下

年月日記

新刊 國朝 百家名賢文粹卷第一百二十

新刊國朝二百家名賢文粹卷第二百二十一

記

祠廟記

荊州夫子廟記

三諫議

夫子之道布在六經深於六經者得其時遇其主而用之則王道明而旁邇受其賜也夫子之廟列在郡縣英子郡縣者習其禮絜其誠而祀之則廟貌嚴而諸儒知所宗也不然則帝室之道未融鄉大夫弃德背義而朝廷擅樂似是而非也祭祀之禮不脩士庶民罔知敬福而春秋享奠如存若亡也耳其宮垣闕廢草木羅生祠宇荒蕪風雨不庇矧浙江之右桐谿之濱建邦于山邑之間居民多水潦之害歸然舊廟密迹通溝當于城東南之隅在故壘圍闔之下簷離疎壞固無數因之高堂庶淋隘且非兩楹之制水至則兩筵斯沒水落則兩像其頽不堪庫廡之憂安仰高明之祀加以俗巫交感激求未偶之靈風教未遠

奔走金人之福。在乎祀先聖事先師。食祿者忽略而不知為儒者。流蕩而志。返錫以束。嶽待封之歲。移殿具邦。北戎薄伐之年。議遷此廟。人來獻地。縣亦危徙。宮贊溫仲舒。僉謀之護。戎張元吉輔成之督郵。直方經營之七月。某日興役也。八月。上丁釋奠也。廟無祭器。拜章以請之。郡無經書。言以求之。誌素王之新祠成斯文也。列門人之蹟像。題舊贊也。翼翼諸廡。不泐。白而成樓。樓衆心不俟募而至。惜子鄉飲酒之禮。又廢。人不好尊卑黨有序之學。又廢。人不識康取列郡無軒懸之樂。祭不足觀。在笥非交冕之衣。禮不足取。曰華南。該之詩。寢則祖以。豈不孝不弟之心。類宮。瑤胃之儀。上則無以訓為。且為子之孝。然廟不立。則釋奠無所就。禮不脩。則燔菜无所觀。是以樂為儒。實其祀事。請遵豆之古。器復牲幣之舊。儀數祭之者。可以交神明。觀之者。可以知勸教。神明交則福至。焉以敬明則化行。夫坐之澆淳在。享時禮之用。捨由乎。一故。顏回謂。理亦人也。吾軻曰。回亦人也。若

然則克念謂之聖罔念謂之狂父也祖述夫子之至仁憲章  
天之亞聖則文中子亦人也韓文公亦人也乃知取法於匪淺  
季子問禮於莊史老聃生而知之乎孝而知之乎勉人之監讀  
是碑也遷廟之志見是記也罪言者得於斯知言者得於斯時  
雍熙三年八月日記

蘇州崑山縣文宣王廟記

雷夏先生

夫聖人之生必受天命有位者天使之化民為時也三五帝  
皇之謂乎無位者天使之立教為万世也先師夫子之謂乎是  
以窮於放人然於陪臣非不幸也向使居帝王之位行堯舜之  
風則顏閔之科猶元凱之舉也兩觀之誅猶四凶之罪也自然  
王道至而我無為无花行而人不知時之歌者必曰何力之有後  
之美者必曰無德而稱也雖流為典謨形于簡冊亦不過養吾  
文明溫恭允塞而已豈復有祖述憲章之道流於後世乎故曰  
生人已來未有如夫子者也秉筆之士得輕議其德業以莫之

諸郡姑蘇補其有郡之屬昆崑山出其有耕以魚鹽之利溉乎  
朝夕之地昔在皇唐是為名邑降及錢氏茲惟上腴距海之田  
民斯阜矣然而庠序或缺儒素弗興實倉廩而札節未知既富  
庶而教化不至為邑之長得無父乎縣大夫邊公世為儒流特  
號申族自起家之道歷宰邑之資而所在播其能名錫類登其  
久次大來之望固未易知皇上嗣位之明年淮海王如京師且  
獻圖籍尊王室也上思恭遠人精擇循吏銅墨之任尤難其才  
始得公以宰吳吳民受其賜降函書以榮之旌善政也秩滿受  
代將選於天官會茲邑有令尹之者二千石命公以承之曰  
沐政績外聞荒疏未幾有即真之命免常調也公因民所利甚  
月而治以為人者政之本儒者教之先苟非師嚴而道尊焉可  
移風而易俗哉先是文宣王廟但有基址蓋以素荒廢而不修  
六二年矣公乃出俸金以營之同僚悅從釋吏弗違乃庀工材  
乃度材用度之官圖畫以出之數仞之牆楹三而楹之殿堂

廟殿門闕斯儼麗以丹漆飾以珞璫制度合其禮文力役當乎  
農隙乃像素王設華表垂珠旒王者之制彰矣乃壯士哲冠章  
甫衣逢掖儒者之服儼矣廟之興也既如彼像之設也又如此  
粵上丁之晨行釋奠之禮所以列豆邊陳簠簋盈饌牲牢具饗洗  
費幣有數尸祝有辭八音作而聲和三獻終而神悅禮無違者  
民具爾瞻觀之如堵牆化之猶影響俎豆之事行矣禮樂之道  
興矣十室之邑期忠信而如丘一變之風聞詩書而及魯議者  
曰吳地澤國也崑丘海隅也舊謀伯俗未行儒風非明君以文  
德敷方邦非良宰以儒術化百里又安能尊先王之教移小國  
之風者哉其幸忝德鄰軌聞善政爰旌茂績俾述斯文雖言雖  
在於聖門不朽願刊於身石時大宋雍熙三年十一月初四日記

華縣孔子廟記

河南先生

宋興八十載天下久承平天子端拱盛祖宗法度講礼文登儒  
賢欲以一聲教格民於大和為吏者循上化其治大務寬平



取以持法。其後取能名專用厚風俗向廉遜為體故郡府立李  
校尊先聖廟十六七河南為天子西都建國于李稱號與東都  
侔其屬邑曰鞏距府百里据大道之衝河洛所會舟車之饒民  
以富強先是縣之先聖廟暴為水壞持土地汚不復興治凡釋  
奠行禮寓令署中且十年大理寺丞李君惟章既蒞邑事頤曰  
地要而民富禮教所宜先今先聖廟圯而弗謀非所以稱畿甸  
之劇甚為鄉老吏民羞其易而新之於是相縣署之西偏以營  
焉且上其狀於府得民施宅祠錢六万以濟其役募善士聚良  
材堂邃而崇像嚴以尊李有會齋有次踰時而成邑民休之相  
與議曰茲廟之興既營既勤皆由五季君不志不列無以章君  
之化遂以文來請其按署令縣皆立先聖廟釋奠以春秋唐韓  
文公所謂郡縣通祀孔子与社稷者也自五代乱祠官所領在  
郡邑者頗廢遂不奉間或增祀率淫妄不經獨孔子社稷其奠  
祭器幣莫不備益損真所謂通祀哉今朝廷向儒術西都建李

官聚生負為郡國倡始輩為西畿劇縣能尊先聖以屬孝者則  
他邑之與孝從善又當自輩而始且不失者今通祀之興孝老  
之舉其賢而法哉年月日記

穀城夫子廟記

六一居士

釋奠釋菜祭之略者也古者士之見師以菜為贄故始令弟子者  
必釋菜以礼其先師其孝官四時之祭乃皆釋奠釋奠有樂無  
尸而釋菜無樂則又其略也故其礼亡焉而今釋奠幸存然亦  
無祭文不備祭於四時獨春秋行事而已記曰釋奠必有合樂  
有國故則否謂凡有國各自祭其先聖先師若唐虞之夔伯夷  
周之周公魯之孔子其國之無焉者則必合於鄰國而祭之然  
自孔子沒後之孝者莫不宗焉故天下皆尊以為先聖而后世  
無以易孝校廢久矣孝者莫知所師又取孔子門人之高第曰  
顏回者而配焉以為先師隋唐之際天下州縣皆立孝置孝官  
生徒負而釋奠之礼遂以著令其后州縣孝廢而釋奠之禮更

以其著令故得不廢孝廢矣無所從祭則皆廟而祭之荀卿子  
曰仲尼聖人之不得勢者也然使其得勢則為堯舜矣不幸無  
時而沒特以孝者之故享弟子春秋之禮而後之人不推所釋  
莫者徒見官為立祠而州郡莫不祭之則以為夫子之尊由此  
為盛其著乃謂生雖不得位而沒有所享以為夫子榮謂有德  
之報雖堯舜莫若何其謬謬者歟祭之禮以迎尸酌鬯為盛釋  
奠薦饌奠黃而已故曰祭之略者其事有樂舞授器之禮今又  
廢則於其略者又不脩焉然古之所謂吉凶鄉射賓燕之禮民  
得而見者今皆廢失而州縣幸有釋奠社稷風雨雷師之祭民  
僭得以識先王之禮器焉其牲酒器幣之數升降俯仰之節吏  
又多不能習至其臨事又多不中而色不莊使民無所瞻仰者  
見者殆焉因以謂古禮不足復用非師古好學者莫肯尽心焉  
歟城令仇君秉為其邑未逾時修文宣王廟易於縣之左大其  
正位為孝舍於其旁藏九經書率其邑之子弟興於孝然後

圖記希俎豆漢節鍾爵實凡若干以尚其邑人行事未與於  
今八十年天下無事方修禮樂修儒術以文太平之功以謂王  
爵不足以尊天子又加至聖之号以褒崇之講正其礼下於州  
縣而吏或不能諭上之意凡有司簿書之不責者謂之不急穀  
城縣政久廢伏君居之暮月称治又能遵國典修禮興樂急其  
有司所不責者認認然惟恐不及可謂有志之士矣

宋城縣夫子廟記

但徠先生

天地吾知其易毀也一德不脩則裂日月吾知其易發也一政  
不行則缺山嶽吾知其易壞也一化不明則崩河洛吾知其易  
涸也一令不善則竭大哉吾聖人之道弥亘億千萬世而不傾  
橫維四方上下而不絕莫亂於戰國莫妖於楊墨莫毒於秦亂  
莫逆於莽賊曹馬譖詐宋齊凶惡唐城猶夏曰聰曰勒喝誕放  
邪曰騁曰釋下至唐季接武踵迹昏君暴虐莫不滅裂衣冠隳  
併法則焚燒詩書爰刈礼易吁吾聖人之道受戕害被攻擊斯

亦多矣而魏然中居竟不可毀悉由根抵堅而枝幹茂也涇源  
浚而流汎遠也三才五常為根抵不亦堅乎堯舜禹湯為枝幹  
不亦茂乎兵籍九疇為涇源不亦濬乎孟荀楊韓為流汎不亦  
遠乎故天地有裂焉日月有缺焉山嶽有崩焉河洛有竭焉吾  
聖人之道無有窮也夫天地日月山嶽河洛皆氣也氣浮且動  
所以有裂有缺有崩有竭吾聖人之道大中至正乃世常行不  
可易之道也故無有亏焉宋有天下純用文治制度禮樂一出  
儒術吾聖人之道大行君君而臣臣父父而子子京師達於郡  
縣皆崇嚴廟見而尊祀之宋城在南京為赤縣天子祠宇尚缺  
春秋則釋奠於令之廳事噫其為表亦其美矣李大夫堯俞以儒  
學仕能知聖人為尊而不敢驕慢於是折於宇淫祠數十區取  
其材作廟于縣署之右棟宇壯焉丹雘麗焉穹宇闢陽破曉闔  
陰夫子彼王衣冕執圭十有二寸負斧依當丁而坐顙病閔子  
驚焉十一人列侍翼如有嚴有威廟成俾下祀之嗚呼異哉李夫

夫作是廟有三善焉撤佛宇毀異法也毀淫祠革邪俗也尊聖  
師明大道也有是三宮不可不設故敢承命而不敢讓景祐四  
年五月一日

嘉州平羌縣新修夫子廟記

石室先生

旭川道士李有慶過叩訪余謂余曰漢嘉屬邑曰平羌者其令  
尉相與增修夫子廟成欲君侯之文以紀歲月且未敢使有司  
侯君侯可否應之曰余何者敢當此雖然二君與子無一日之  
舊不以屬他人而獨見議於余意特厚或謂為能其學矣但未  
能知其所以廢起之由為此復何讓道士曰聞之其先有屋數  
椽惟春秋二丁其令始一過其闕謹行釋奠禮者既出西闔戶  
不復顧風揭雨灌虺虺鑄清液爛類墜墟落如也嘉祐元年令  
始葺焉君尹割殿一區塑天子像圖十哲於壁後曼第升殿用  
安靜椽薦者完此景君思誼以才侯子請吏為之佐二君幹敏  
而文智參謀同臬地繩基復圖補完縣之秀民呂甄等趨善嚮

教就集厥事願進材用文章委个起五年孟冬之甲子訖六年仲春之癸亥不廢公不暴私凡若干楹內外悉具虛敞深靖崇厚有制斐移連連魏誰竊竊藏俎豆儲典籍召良師延美士於是邑人之佳子弟抱書楚楚來立門下願隸業于其間者二君咸與之進勸教不倦其大抵如此余曰是能爾耶賢哉其爲令也今天生進者不白討其中之所有而所治才褊僻則嗟悔怨懟一切女墮不事事或倚上官視聽不相及恣用貪狼推剗其下以厭已之欲是此等天下常不少矣今二君所莅之邑在蜀無與較其小而能先務教本以篤其俗使詩書禮樂之術日薰染其耳目是知爲政之大端也簿書期會之末略解事者皆能之豈足爲二君美哉道士持余文持去故述其所言然甚略云

年五月十五日記

蔓州文宣王廟記

蒲左丞

茫昧動渺浮於空虛運於兩間充積於萬類而不息者天地之

氣氣有通順然而其施於物也無厚薄光暗其大橫於古不直  
於日月籠絡於方世而不絕者孔子之教教有其發然而其被  
於人也無遠近氣無厚薄而有教之生有不齊焉者過在播植  
之人非氣之異也教无遠近而四方之事有不同焉者失在倡  
勸之人非教之弊也枯原瘠野可使為豐壤夷裔窮貊可使為  
中國耨耨之不勤闢墾之不土地雖美求其桑梁之收嬉戲孺  
子皆知不可礼義之不修忠信之不行入雖材求其聖賢之歸  
委巷小人皆知其不能告於人曰地不足植而不耕是弃其地  
也告於人曰人不足治而不教是弃其人也弃地者米引而入  
於飢寒弃人者將引而入於禽狄飢寒至禽狄之性發何所不  
有今四方之卒可謂至盛而持其術者可謂不弃其人矣然猶  
教化之所決風俗之所尚與其講磨養育之具獨完於京師浸  
廣於齊魯閩益而盛大於吳越惟瓊為西南之陋當天下學者  
翕然而勸之時此邦之人尚不識書生慶曆詔郡縣立學今龍



圖閣直學士廬江何公郊為郡別乘始能虛文章理道感悟其  
倍於是人漸知讀書迨十餘年方有進士後又有以進士得科  
名者廬江公既去歷二十載傳至于今秀民稍稍輩出而為之  
倡者待其久尚如枯塉塉壑而耨耨闢數之不復加故窮歲月  
更寒暑終意能豐阜所獲治平三年兵部郎中吳興陳公由三  
司判官出領本路轉運使入境之日怛然傷孔子之教不大被  
於一方乃下令風動諸郡使其守長招輯孝子以德義錙磨其  
人守長承命虔不敢懈各劾僚吏以尸教誨襄州刺史長沙賈  
笑亦先諸郡整治序宇完壞補缺設為規程郡之人喜聞而樂  
從日謀於其家告於其父兄奔走入孝惟恐後時而不得群於  
其間既至服勤詩書出入以時又謀於其友告於其子弟亦德  
勵行取其身之不尊名之不高而孝父忠君之說不聞於耳目  
日夜講磨疲不知倦四遠之人執業而就孝者交足在境孝既  
盛諸生以孔子之廟廬陋毀壞壅壅不容立堂不容獻奠獻之

設帝無地宿燎無所又謀於其鄉告於其常所往來而聞於郡  
曰汙宮敗室安足為孔子之所居而稱吾陳公所以尊聖人之  
意耶願輸財以新之是年冬孔子之四十六世孫以尚書員外  
郎來為轉運判官樂陳公之不鄙擯其人能均齊聖人之教剔  
刮愚瞶不以遠近為間使皆識忠信守仁義以自治也懽然協  
力以終厥事又以其家之廟像及冕服之制合顏淵而下衣冠  
之飾授於刺史賈侯明年二月賈侯相址擇吉舉其僚屬從重  
於廟庭親畀匠指揮營度攝宮工私傭雜作衆治六月廟乃成  
豐宇廣廈明敞廓大中嚴孔子之坐冕旒服章悉用本廟之制  
而顏淵以下從燕居之儀翼侍左右并圖周漢已來及唐之大  
儒二十餘人於壁間置豆壘樽盡易去舊器使就潔嚴諸聖將  
攷於新宮又謀於其徒告於其長有請於李官曰始者入於李  
懼無以承陳公之賜故群趨而朋來既就講肄又思无以謝陳  
公之教故勤行而力修術業既專所趨既明又嗟無以充陳公

尊德事主之意故率財以為廟令廟成而無所傳諸生不任其責責在宰官宰官富有以施其職也宗孟曰然是誠宰官之所宜為昔者魯作頤宮邦人是歌鄴侯修廟韓公有詩宗孟典領學事實司文詞其初其卒又皆與諸生游泳於其間敢拜自刻詩廟碑詩曰

莫憂於西南有國自昔人罕詩書士罕逢掖誰為豐腴獨此堦堵簡簡陳公初頤嗟戚曰人則然其曠可剔教开遠近人自損益豈不在我示以標的使之得涂安往不適下令諸郡風動邦伯庶邦守長慶命蹢躅璵璠寶右府庠序先闢力疏涸源灌既枯脉旋不踰時芄芃其稷既穫且秬乃漸有獲公日來頤驄焉白額旂旒茂茂紫綬纁纁溫潤其音以勉其畫在梁其掾以拯其溺與之酬揖升降司席與之起坐左右接膝匪弃伊教咸樂親炙四遠承風笈負文籍爭來於璵奔走交迹人侈公惠衍衍朝夕相視廟兒毀墜頽喏曰吾聖人是豈來宅釐財輸金願就東

吉日辛卯爰始斯役衆工勤事不待繩迫衆板動極其均歷  
簷阿斯翬校廉斯戟像兒有嚴堂途有赫是莫是享神降斯  
公來在廟禮容莊惕公來在泮笑語悅懌克明克嘉有聲  
九公之仁浸漬涵煦孰爲父兄不舞公澤邦人孔懷懼或  
學官宗孟實在斯責作詩記始以饒金石

浦城文宣王廟記

龜山先生

周道衰陵夷至于戰國干戈日尋帝土之迹息而典章文物  
喪無遺矣孔子於是時躬爲旅人無所用於世退而刪詩書  
禮樂而先王所以爲治之道煥然著在方冊使後世有考焉  
其功謂賢於堯舜豈虛語哉故廟食百世雖天子之尊北面  
奉之爲道之存非以是爲榮觀也 國家慶曆中詔天下郡縣  
立孝是時陳公先生襄以經術德義爲一時儒宗適主縣  
政以教育人材爲務乃與其令謀即縣之東南隅築宮于其  
上以延後世邑人徐翹營殿於其中不侈不陋故三舍行堂  
無一

新而殿得以獨存至建炎初為賊人所焚春秋無以奉祀事紹興三年冬縣令吳侯來視事之始歷告諸神祠獨吾聖師無瞻依所喟然歎曰今老儒之徒猶知敬事其師而吾民獨不知之耶於是慨然有建立之意不數月召邑之諸生劉壽吳元賓吳震全疇相與董其事經始於四年中夏落成於秋七月良材堅甃增於前用人之力而大塑繪之工其實無慮百余方人樂輸之不為厲既而邑之士蕭顗以吳侯之書走吏詣予求文以為記予為之言曰學之廢久矣誠淫邪遁之詞盈天下士溺於所習冥行而已予嘗攷之周官司徒以智仁聖義忠和六德教萬民夫仁與聖孔子不敢居而先王以是教萬民者蓋天地萬物一性耳無聖賢知愚之異故顏子曰舜何人也予何人也有為者亦若是孟子亦曰人皆可以為堯舜故學者必以聖人為師猶之射者棲鵠於侯以為的惟巧力具然後能中巧而不至至而不中蓋有之矣然不為之的則莫知孰為中否也司徒以仁

聖教之蓋亦棲鴻義與之為的耳然仁之為仁聖之為聖必  
有在矣學者未知仁聖之所以為仁聖雖有學猶虛語也世之  
說者以謂仁者愛而已矣蓋未嘗究觀孔子之言耳知孔子  
之言仁則聖亦從而可知矣夫浦城之為邑蓋東南賢士大夫  
之林數英才異稟出而擢高科登膺仕進秉鈞軸者世有六焉  
吳侯用心於此非徒飾其詞以夸耀之也蓋欲邑之士隸業於  
其中者既其文如其實心得而身行之以超聖賢之域然後為  
學之成也故并以告之

清平縣新修孔子廟記

濟北先生

群有司所治異事而事之在縣者十九以其十一用心乎治之  
本則力不給故雖有庠序教化亦十九不舉一有舉焉今之才  
足以任事可知已魏為天子北都而清平為畿縣並河水數至  
自慶曆遠治平縣再徙不復立孔子祠為屋居神民往來猶原  
上也今始至更導之拜屋下歲春秋釋奠必以草間吏曰即次

乃即次曰行事乃行事曰禮畢乃禮畢挽而出不復省或告  
曰此宜省則頌感曰吾有公事不暇也若是者有年至風雨屋  
壞不支縣之民爲士者滋少令錢侯之來惻然悲出涕徘徊  
徬顧相其地得舊材瓦甓在官者幾具始復興之人歡然從不  
勸而成有堂有進兩廡四墀拜列有所若祭器咸在而人不病  
斯已下矣夫儒術之於成民欲久於其道則爲功緩故急於人  
知者忽之錢侯不以人之所急者爲先而急於人之所緩則其  
賢又可知已由是詢諸邑人其大者既舉其細者有不治余不  
信也錢侯名唐卿字元輔余王姑之子玄元豐六年二月乙丑  
北京國子監教授晁補之記

犀浦修宣聖廟記

王基先生

韓愈稱自天子至郡邑守長通禘祀而偏天下者惟社稷與孔  
子然社稷祀事先如孔子之歟公龍棄以功孔子以德固自有  
以第抑宗元亦言夫子之祀爰自京師太學偏于州邑云天子之

之道闕肆尊顯三帝三王其無以侔大也韓柳以文名唐出其  
論孔子之祀因以推崇其道德然後知自生民以來果未有如  
孔子者予嘗謂孔子之道德不過仁義而已尔大中而易行至  
正而難犯天地之所以久日月之所以明鬼神之所以幽人物  
之所以蕃山川之所以寧鳥獸之所以若莫不由此在昔堯舜  
之舜舜傳之禹禹傳之湯湯傳之文武周公為之禮樂以文之  
政刑以齊之施之天下而中國以尊四夷以服周衰王者之迹  
熄而仁義之教幾乎絕矣孔子以大聖之資繼堯舜禹湯文武  
周公之所傳無其位不得行其道書之六經以傳后世自孔子  
以來有生之類不至於滅者豈不知其所自哉堯舜禹湯文武  
之治止於當時孔子之教垂之万世其紀也固曰嗚呼仁義之  
說行為人君者修己以安百姓為人臣者盡忠而不固其位為  
士者難進而易退為民者親上而不怨則天下無不治矣天下  
治而雖有夷狄莫之敢窺矣苟惟不然雖崇其廟像繫其軀



幣制其舊竟無猶曰不祀也 朝廷自慶 中詔郡國皆立學  
必有孔子廟 聖廟舊為縣隸成都治平間府尹清獻趙公始葺  
而新之縣令馮接為記熙寧五年縣廢而廟猶存歷年既久椽  
棟毀墜宣和中蒲叔新監鎮又修之至建炎四年有司議當  
田厝亦與焉鎮人費大受以錢輸官而得之厝在曰野之間  
民居所蔽大受又以其私舍易民居撤屋為道以通往來今監  
鎮張君楫見之慨然曰獨有一殿亦其入无明其進無耶為  
村僅牛羊踐履可平乃出錢三万授鎮人野厝主王大受之子  
如州使成之為重門兩廊又闢其廊廡為齋廳講堂及弘明之  
舍奕奕峨峨生克稱厥居乙丑歲二月張君率鎮之士子釋菜于  
厝以其能行鄉飲酒禮觀者歡歎萬端請記於予予嘉張君  
聰明材智長於吏事故能尊道崇教如此是以樂為之書

先聖文宣王祠室記

石月先生

余舊得先聖像充公府創置一祠室曰文宣祠每歲真像之

然比來豫章見程子山閣下本子喜曰此必真矣乃命工以堅木板刻之置在層臺深明閣前之西室曰先聖文宣王祠嗚呼仲尼之道廣而微哉神明變化其大同乎天地其妙同乎陰陽其者明並乎日月其運行作成萬類不三窮極如五行四時集堯舜禹湯文武周公之道而大成信夫自生民以來未之有如若故其性而天道子貢不可得而聞弁繞絕塵回也瞠乎其後豈末季所能名言而測究也哉亦曰吾尊師之誠心日而子孫同致敬焉耳後之君子入斯室瞻斯像見必也肅乎其容儼乎其恭認乎其心而重禮焉觀顏氏子端立乎其旁將拜而問也紹興十五年乙丑之秋日石月老人余某記

東館宣聖廟記

縉雲先生

浮屠氏之書專以禍福為動世俗人聞敬佛得福毀佛得禍莫不崇信恭恪塔廟布滿雄供煥麗過於王者天子所嘗皆古今不易之道非有信證不出諸口其肯一語汗漫不根之說

繼亂典訓之示無以不懼歆羨故祠廟之設獨國郊若州縣之  
傳有之未嘗有以已意私自薦祭者惟丹校之東館彌頭二鎮  
二類滋多嘗自念誦其言學其行以有君臣父子兄弟夫婦朋  
友以及以安郡國三歲賓興被其惠利至為公卿大夫以誤以  
祿而春秋二祀去州縣遠不獲奔走夫初下盟洗降登自致其  
誠敬報本反始之義不備乃合邦人之力作夫子廟於鎮之南  
郊嚴賓精問薦獻有仕顯座有所歲春秋父兄子弟修禋齋奠  
具酒醴牲餼踴躍濟濟祇奉祀事嗚呼可謂知本矣夫聖人之  
道嚴外所以飾內備文所以豐其實也今也福無所觀禍無所  
避獨以道德仁義人倫大法之所自出後世自天子達於庶人  
如病有藥如子有母如歸有家盛德大業大覆地載故中心誠  
服如當時七十子者於是祠廟翼翼焉豈徒楚禩瓊酌獻禮儀  
惜且至知是二知者自今至于後日子孫必不忍奪其詩書  
之業若弟忠信之行甘心不齒於鄉黨鄰里何者且滿目漆內

有以飾其外文有以豐其實教之所由興俗之所由善有不得  
不然者然東館衣冠異時仕不過州縣今乘塵持節入禁林參  
法從櫺頭自國朝以來未有登名進士舉者今試禮部往往縣  
居甲乙焉呼吾夫子雖不差浮屠氏明言禍福而福亦不貲矣  
古渝焉時行紹興丙辰嘗令是邑後二十有七年歲在辛巳時  
行自假守沈黎被 旨造觀道過眉山丹稜之人猶曰斯事未  
有紀載非吾舊令尹其誰宜為時行曰敬聞命矣不敢辭更館  
作廟以紹興壬申首作廟之議者呂相

新刊 國朝二百家名賢文粹卷第一百五

新刊 國朝二百家名賢文粹卷第二百一

元

祠廟記六

少陵東屯祠堂記

箕山先生

少陵先生故據東屯在寧江東二十里其墟有李氏之墓  
李氏乃治旁輿為立祠東萊蔡與宗伯世嘗攷正先生之  
詩既卒篇因持祠具至廬旁輿所立祠告之願其像黯昧  
且不類始更之加崇繪因歎曰斯可謂窮之至歟某曰世  
雖有其焉爾先生特盛時不克大奮踴取顯位然呼應  
數聲趙間登臺而歌放蕩者幾十年亦已樂矣取後西  
游奏奏始入天子至為廢食召而汝陽漢中王競客之既  
老見放猶所至諸侯遣騎問所須其豪長者皆爭進田  
有百頃之稻四十畝之圃下至田父泥飲園官送菜亦不

謂不達於時矣今夫蠶蠶而學齒頤俱散而耽玩弥篤  
矣公者乃一去吏則過無所抵上下莫省問焉願欲退而  
耕又不能得田可盡力以自養尚敢望先生壯游之樂哉  
其窮才更其矣乎某於是益傷風俗之薄也雖然先生之  
爵得公而益明而公之志不可以無所託而傳也故并記  
之年月日昇某記

新修草堂記

惺惺先生

紹興己未天子憫然念全蜀之民以撤於兵會成都讀師上問  
念諒於二三執政欲掄文武知略閑博之士俾之保惠而休寧  
之以寬恤其父兄子弟以厭其疆場戎寇之不嘉靖以舒子憂  
翼三宰相選第二大臣以聞上弗許也已而曰朕得其人矣  
習先王之典享憲度重之以篤實任事無易張嚴者維士寵嘉  
之第蜀遠遠焉能為朕行乎其以朕意召俞焉坐相會公子及

事堂具述上旨公作而言曰上有詔書敢不承宰相又曰公無  
遽翼會後會尚孰議之公曰維蜀之壞於秦維秦之毒於不信  
不武之戎翟日者雖謁和矣自秦策之未敢任其必信也上之  
使而命壽壽不惕焉下拜而奉承之無乃墜天子命而叛於名  
義以羞執事壽其行矣奚議之爲宰相以公語聞上歎息良  
久曰朕願張壽學術行能是應陪禁闥策大事其去朝廷非是  
而公請行立並勤於是詔丞相御史以吏部尚書壽爲察其閣學  
士知成都府兼安撫使公頓首奉詔入辭殿中且奏立言臣請絕  
淮泗導宋汴眈函洛歷靖渭少觀吾故都中區之形勝而陰察  
夫翟人謁和之信誕因得與宣撫司規所以隱蔽扞衛庸蜀之  
計上許其忠自是之行至秦迺曰宣撫公天下才也吾之畏友  
也二公相見雖甚商所以蹈險毀敵之策無一不諮者聽事之  
初西推上之所以夙寤晨興與念慮遠方之意與夫所以臨軒尉  
遣獎勵寬大之詔鏤板宣布蜀人呼舞至相與泣下居無何翟



人果與盟蓋莫不穿塞鈔撥三輔全蜀震動當是時關門廢舊諸  
唐鹽耗有司責報棘甚人心寒懼乃下令代以官粟不至秋償焉  
軍食豐盈民不怨庸蜀回遠距行朝萬里郡邑解嚴譚職不問  
太妻養交以苟簡為便民小吏偷墮以督責為生事事滋不治  
民然無愜公之儉勤厲練核庶乃引四路之訟而親決之領略  
判斷之分  
肝半縷齒牙細大毛脉是非美醜各聽分位間者  
以年益酒之法日益意壞吏務便文民困月歛父媪流離數天  
不聞公唏然曰黃海推酤之弊極矣知所以張之而不知所以  
施之知所以用其利而不知所以拯其弊州縣之吏揆書錯數  
計日而責焉殆未有以慮之也其何以文悠遠厚死士隱全蜀  
而計人乎亟狀其事以聞詔嘉許於是委州縣奔走事令緒求  
盈虛損浮繙之人不告吏更申之春歲惡饑東山之民羸餒日  
甚公命海雲僧直惠作饘糜廩給之賴以全活者亡慮六萬餘  
人又命賓四場於城中選解分貧飲茹窮憊閉糴之憂不敢在

利唯

公洞視蜀人之疾苦思所以拊卹而飲藥之其要在

於建畫長利存定窮寡貶去貪濁扶起廢滯以爲屏維四川悠  
久無疆之計於是細殘吏之程督不時則期要切者蒐汚吏之  
冒濫苟容漁奪百姓者振伏起滯而開其廢勸墜敗者章淳聞  
詔皆賜可嗟乎蜀大國也泉流甘清土壤肥好士嗜書工文章  
民股水漑田粟稻麻麥鄰伍往來盤盤酒漿自磨結難而蜀人  
始騷矣逮公祿釐而來細意養活財貨運行諸產遂長士農工  
商各有以行而入始得以飲食滋味嗟乎公之德於蜀如此而  
意猶未饜也復念文翁以道訓蜀諸葛武侯以義保蜀張忠定  
公以鉏耰表善善治蜀區卽其廟宮而治新之精勤戡刮不留  
昏埃神來神去照映羽衛居頃之又語其屬曰杜少陵詩歌一  
千四百有余篇考其志致未嘗不念君父而斯民焉是憂願其  
初守臨城不能五里騫侈摧剝何以昭斯文之光予甚自愧乃  
斥公幣之余弗償府藏弗勤民力命僧道安董其事增飾之慮

工一千五百計泉八十有奇割手於紹興庚申八月丙戌記季  
冬乙亥告成斷石爲碑一十有六鑄其詞于堂之四周次第甲  
乙毛末不公辛酉孟夏汝礪以職事見公授授之次侍飲于誠  
正堂公曰屬治草堂小異吾儕盍往觀焉飢已有興出郊謁先  
主武侯閼宮遂入草堂弔少陵之遺像飲滄浪亭並浣花栢濯  
濯可憐縱觀詩碣公願曰考石多所日矣願得公文以紀其事  
汝礪謝曰公自妙齡注鼎鼎科不二十年司帝謨作典誥文書論  
大事斥天下之病此開物成務之文而某所難也辭不可則論  
著之昔之風人叙君臣父子而訓之禮此天下朋友婚姻而詔  
之義表宗廟尊尊牲器賓旅禮樂征伐役宮室幣帛衣服池  
臺數澤饁和蠲鴈酒醴而制之數善焉鼓舞詠歌之不則譏切  
箴誨之尹吉甫乃召穆公仍叔史克嘉父之流愁懷乎怨思昌美  
乎誦聲是皆切嗟美惡分聲善敗典圖崇替而蠲燭後世也少  
陵之詩故亦如此根於忠信孝弟著於君臣父子夫婦朋友方

其紆徐扶疎宛轉附物雍容而不迫愔愔乎如挹露華清冠冕  
於一堂之上父座子立雖離俞俞於蘭庭無旦孔樂之間至夫  
陳古悼今勸直而懼佞抑淫侈聲巧而崇節義高焉增傷慨惻  
當世父子老儒之離離賦歎征戍之棘數然痛憤懷盤飴閑士  
聊慘起伏之變衍迤縱肆无乎不備忽忽乎其能化也就就乎  
其通道達物也越越乎其摠一神明而貫局万類也游之乎肯  
繁衆虛之間寓之乎無所終始之際激之乎海水蕩滄飛雲肩  
雨之聲吁不得不及其極也易曰通其變遂成天下之文嗟乎非  
尽天下之至變何足以成天下之至文也儻使申公傳之李充  
受之河間獻王陳之而吳公季札觀焉則昭陵之所以帝天寶  
之所以微肅代之所以中興次爲雅釐焉變風坐而第焉可也  
今天公治蜀其所以憂恤斯民之心見於施置如此此其所以眷  
眷於少陵之詩乎故曰得光中興業一洗蒼生憂公之志也故

政井書之年月日山井俞汝礪記

李太白碑陰記

東坡先生

李太白狂士也又嘗失節於永王璘此豈濟世之人哉而畢文簡公以王佐期之不亦過乎曰士固有大言而無實虛名不適於用者然不可以此料天下士士以氣為主方高力士用事公卿大夫爭事之而太白使脫韓殿上固已氣蓋天下矣使之得志必不肯附權倖以取容其肯從君於昏乎夏侯湛贊東方生云開濟明豁包含宏大陵轡卿相嘲哂豪傑龍罩靡前踴藉資勢出不休顯賤不憂戚戲方乘若僚友視儔列如草芥雄節邁倫高氣蓋世可謂拔乎其萃游方之外者也吾於太白亦云太白之從永王璘當由迫脅不然璘之狂肆淺陋雖庸人知其必敗也太白識郭子儀之為人傑而不能知璘之無成此理之必不然者也吾不可以不辯

永州柳先生祠堂記

龍谿先生

先生以永貞元年冬自尚書郎出爲邵州刺史道貶永州司馬  
至元和九年十二月詔追赴都復出爲柳州刺史蓋先生居零  
陵者十年至今天下言先生者必曰零陵言零陵者亦必曰先  
生零陵去長安四千餘里極南窮陋之區也而先生辱居之零  
陵徒以先生居之之故遂名聞天下先生謂之不幸可也而零  
陵獨非幸歟先生始居龍興寺西序之下間坐法華西亭見西  
山愛之命僕夫過瀟水剪薙榛蕪搜竒選勝自放於山水之間  
入冉谿二三里得其尤絕者家焉因結茅樹蔬爲沼沚爲臺榭  
自曰愚溪而刻八愚詩於谿石之上其謂之鈇鉏潭西小丘小  
石潭者循愚溪而出也其謂之南澗朝陽峩袁家渴無江百家  
瀨者泝瀟水而上也皆在愚谿數里間爲先生杖屨徜徉之地  
唯黃谿爲最遠去郡城七十餘里游者未嘗到豈先生好奇如  
謝康樂伐木開筵窮山水之趣而亦游之不數耶紹興十四年  
予來零陵距先生三百餘年求先生遺跡如愚谿鈇鉏潭南澗

朝陽嵩之類皆在獨龍圖寺井先生故居曰愚堂愚亭者已湮  
蕪不可復識八愚詩石亦訪之無有黃谿則爲峒獠侵耕燈危  
徑塞無自而入郡人指高山寺曰此法華寺故處而龍興者今  
太平寺西瞰大江是也其果然歟周表言文章之盛者莫如漢  
唐賈誼馳騁於孝文之初時漢興繞三十餘年爾其談治道述  
騷辭已追還三代之風如此自是踵相躡有人末而至於劉向  
揚雄益精深不可及去古未遠故也唐永正觀開元習治之餘  
以文章顯者如陳子昂蕭穎士李邕燕許之徒固不爲無人而  
東漢以來猥井之氣未除也至元和始粹然一返於正其所以  
臻此者非先生及昌黎韓公之力歟故以唐三百年世所推尊  
者曰韓柳而已豈非盛哉先生雖坐身元黨與劉夢得同夢得  
會昌時獨尊顯于朝先生未及爲時君所省而遽歿於元和之  
世事業遂不大見於時可勝惜哉然零陵一泉石一草木經先  
生品題者莫不爲天下所慕想見其風流而先生之文載集中

九環奇絕特者皆居零陵時所作則予所謂幸不幸者豈不然哉零陵人祠先生於孝於愚溪之上更郡守不知其幾而莫之敢廢顧未有求其遺迹而紀之者予於是採先生之集與劉夢得之詩可見者書而置之祠中附零陵圖志之末庶幾來者有攷焉

陸宣公祠堂記

東萊先生

古者建學先聖先師各因其國之故國無其人然後合它國而釋奠焉由漢以來先聖先師之位雖定於一然郡邑先賢亦往往祠于孝官猶古意也唐史載陸宣公贊蘇州嘉興人石晉時吳越王元瓘奏以嘉興置秀州城東橋以宣公名者先老相傳公所生之地郡學故有公祠今郡守直顯謨閣呂侯正已復舊而新之維秀陪翼行都典治爲天下劇侯獨置將迎期會之煩表公以風厲多士其亦知本務矣初公事德宗入翰林爲李士方禁旅四出伐叛公深以根本爲慮論居重馭輕之勢至數懇



也未幾涇卒內訌迄如公憂奉天艱難之際雖號親近而志實  
不大紆職在書詔因得以著天子悔過罪已之意聞者流涕入  
心已離而復合以使事抵李懷光於立談頃援李晟之軍已而  
平賊泚收長安獨戍軍是賴官守所及僅見一二已足以再造  
唐室苟帝以國聽焉其所就何如哉起建中歷正元垂二十年  
離合從違之變繫矣確乎其不移溫乎其不懟亶亶乎其不厭  
所積之厚豈世士所易窺邪晚節為相經世之業出之固有次  
第始建白臺省長官各舉其屬議輒見格然綱條本末具載於  
章奏尚可覆也既貶忠州監戶人不識其面專以方藥自娛蓋  
畏天命畏大人負罪引慝於幽間隱約之中其志念深矣雖德  
宗雄猜忌克猶勞問有加非公之忠敬有以發之邪彼謂避諱  
不著書殆知公之細者也秀維公重雋彥林立公之精緼列於  
鄉論者舊矣故於祠宇之成誦所聞以質其中否焉淳熙四年

四月旦日呂某記

張忠定公祠堂記

楊祐夫

故贈尚書左僕射濮陽張公不爲政於蜀久矣然蜀人奉事  
新行臺畏愛如隔信宿蓋由今崇寧之乙酉距前淳化之甲午  
逆數甲子已一百一十有三年維是城闕之衣冠尚市區之翁  
媼凡幾換易雖其當時駕竹小兒常及公行奉折轅車者亦已  
翳滅飄為煨塵至於脫漏一二遺子弱孫亦復衰落跂跂向  
然後生孺子歲時念公乃如公初辨嚴款離軍府時事至比其  
大父與高曾行禮意勤渠友更過之此非人情榮古上鬼喜以  
所聞爲勝不覲爲神抑亦公之盛德有所膠固令人不可懈於  
心故自公在事吏民固已竊圖容表共祠於家飲食必祝斷無  
弃我然而比公去治歷年引久乃未有築宇俎豆之者及樞密  
直學士王公始為廟室附祠典如古禮而龍圖閣李士則公又  
從而潔完之尤事益光已而星霜流易木石老瘵月支歲柱危  
就傾仆於是今大尹前戶部尚書虞公過而恠焉曰此蜀巨賢

也奈何乎志之言未既有號於衆者曰信也後之矣宜乎公以  
我爲忘也我則非人其又奚言旦日則相與頓首伏府門下因  
鈐史具言所以慙負狀願假期日自効虞公遣吏勞苦罷之亟  
下令華陽如其請且以知縣事李君孟侯董匠事凡葺屋七十  
楹度堂十九竭作十旬百堵用成寢宮闕清牆戶鮮整氣色明  
喜靈觀忽還又以虞公之德爲與公合也輒繪生祠而置堂中央  
并設同時部使者一二人像離列其次於是東蜀揚其聞而  
竊言曰甚矣蜀人之愛張公也其好語故事者益往旁掇茫昧  
爲神異之傳學士大夫多疑之故弗論特論公始所以平治亂  
紛終所以輯美風俗大抵氣使嚴重如汲黯而不強塞拊循安  
和如倪寬而不儒懦操制英毅如趙廣漢而不輕急治体綿密  
如召信臣而不寒儉故內修刑政外靖羗吏皆有度程不失尺  
寸下至米鹽估直燕游在所講若紀律不可輒易昔黃霸居潁  
川蓋八年功乃成公鎮西南亦七歲治益顯然霸微緣飾爲奇

惟辟時異路鳳凰神爵疑與上計之奏鸛雀之謬無以異乃公所爲則無有是獨就法理爲久遠規致膏味噉足後人嗚呼可謂盛德必百世祀非公所謂耶故論之以告遺民且爲迎神詩曲授巫覡俾歌舞焉而并刻之詩曰

若有人兮濮上告外趣駕兮爲牲朝嵩洛兮羣食哺咸素兮共張蹇颺飛兮電掣即參井兮一歇坐劍扉兮俄蓋呵力丁兮扶轡倚鹿頭兮徜徉指其下兮余鄉水油油兮雲委天與地沓兮耕桑靈既集兮安止休後乘兮山趾父老羅拜兮勤歸問何闕兮音旨步從容兮新宮仰桂楫兮叢叢睇垣廡兮四繚紛采飾兮青紅靈顏愉兮康樂絢園方兮綺錯進巴歌兮飮舞神已怵兮不惡西王壘兮微具臨岷水兮不驚南靈蘭兮竊眇與雪山兮爲荷靈之惟兮澹蕩更千秋兮一餉史祥液兮天門浸吾人兮泱泱謂君公兮良勞起我厭芳崇朝入行歸兮三府視此赤白兮中宵

范文正公祠堂記

龍谿先生

孟子之言氣曰至大至剛以直養而無害則塞乎天地之間夫直之爲言大公至正之道以大公至正之道固守而力行之不爲富貴貧賤之所播奪雖乘田委吏之卑亦必盡吾誠充吾職卒而至立國家定社稷安邊境服羗戎其功烈與日月爭光而精神折衝万里之外謂之氣塞乎天地之間可也後世徒見一己功名之盛以爲類出於偶然不知蚤正素定於胷中者未嘗無所從來而銘鼎彝書府帛者蓋非一日積也范文正公自未第時已慨然有天下之志不以死生禍福動其心逮遭明天子有爲於時其立朝如史魚以黜其憂國如賈誼劉向其守邊如馬伏波羊叔子雖庸人孺子莫不知之獨筮仕之初有卓然不過人者國史失其傳固不得而紀也公以進士解褐爲廣德軍司理參軍日抱具獄與太守爭是非守欲以盛怒臨公公不爲之屈歸必記其往復辯論之語于屏上此去至字無所容

貧止一馬鬣焉徒步而歸非明於所養者能如是乎獄官有亭  
以公名之者舊矣公卒二十年而高郵孫莘老為廣德軍始以  
詩志公之事而刻之亭中又六十九年丹陽洪興祖慶善來守讀莘  
老詩而慕之初廣德人未知學公得名士三人為之師於是郡  
人擢進士第者相繼于時慶善乃求公遺像繪而置之學館使  
學者世祝之而屬予記其事嗚呼公之盛德豈待文而後傳而  
藻亦豈記公者哉昔段秀實盡忠於唐世徒以為一時奮取功  
名之人而不知居官必有可書事抑宗元為撫其實上之吏官  
今所知段太尉逸事者宗元鼓之也秀實固不足以擬公而余  
幸從慶善得公之詳夫劉夏旣且畫工為元所愧安知後世  
不採此以補史官之闕乎然慶善為政而首及公可謂知所本  
矣柔亦不茹剛亦不吐文正公有焉好賢如縑衣慶善有焉其  
可以不書

沒而祠之禮也自漢以來收守有惠政於民者或為之生祠雖  
非先王之制皆敬於人之去思亦不可廢也然時年遠人寢  
忘之惟唐狄梁公為魏州刺史厲契丹寇河北梁公省徼戰守  
之備撫綏彫弊之民民安而虜自退魏人祠之至今血食熙寧  
初河北水溢地大震官寺居民蕩覆者大半詔以淮南節度使  
司徒兼侍中韓魏公為河北安撫使判大名府兼北京留守公  
既愛民如愛子治民如治家去其疾忘已之疾閔其勞忘已之  
勞未幾居者以安流者以還飢者以充乏者以足群心既和歲  
則屢豐在魏五年徙判相州魏人泣涕遮止數日乃得去魏人  
思公而不得見也相與立祠於熙寧禪院堦公像而事之後二  
年公薨于相州魏人聞之爭奔走哭祠下雲合而雷動連日乃  
稍息自是每歲公生及違世之日皆來致祠作佛事未嘗少懈  
噫公之德及一方功施一時者魏人固知之矣至於德及海內  
功施後世者亦嘗知之乎公為宰相十年當仁宗之末英宗之

初朝廷多故公臨大節處危疑苟利國家知無不為若澤水之  
赴壑元所疑憚或諫曰公所爲如是誠善乃一蹉跌豈惟身不  
自保恐家無處所殆非明哲之所尚也公歎曰此何言也凡爲  
人臣者盡力以事君死生以之顧事之是非何如耳至於成敗  
天也豈可豫憂其不成遂輟不爲哉聞者愧服其忠勇如此故  
能光輔三后大濟艱難使中外之人饋餼嬉遊自若曾元驚時  
傾聽竊語之警坐置天下於泰寧公之力也嗚呼公與狄梁公  
皆有惠政於魏故魏人祠之然其爲遠近所尊慕年時雖遠而  
不毀非有大功於社稷爲神祇所相佑能如是乎況梁公之功  
顯天下皆知之魏公之功隱天下或未能盡知也然則魏公又  
不賢乎宜其與梁公之祠並立於魏享祀无窮公薨後九年魏  
人以狀抵西京俾其爲記將刻于石竊惟梁公二碑乃李邕馮  
宿之文其實何人敢不自量顧魏人之美意不可抑又欲以其  
所未知者證之故不敢辭



定州韓魏公祠堂記

王樞密

韓魏公祠堂繪畫遺事記立天下之功易感天下之心難感之深而不忘又難非天下之至誠其孰能與於此余於魏國忠獻韓公見之矣慶曆中朝廷有北顧憂始詔魏瀛真定並用儒帥而公以資政殿學士帥定武天子倚公以安六年乃得去定人德公深故愈久而益思元豐之際蓋三十年矣思之而不足始相與立祠於郡庠之西堦公帥時儀形而神事之皆曰幸見公像如公存焉不獲其所者往而禱曰公幸佑我得其欲者往而謝曰公佑我之賜也每公生及諱之日則又往各盡其情以致祠事罔不瞻仰咨嗟惻愴久之而後去夫豈特惠澤之間哉誠意在前故能交万物貫幽明而无間也自康國韓公申國呂公之為帥既釋奠於夫子常率僚佐及諸生以一獻之礼置祝設幣修敬於公之祠邦人感悅歸美二公後遂為故事元豐末余為邑於安喜州之耆舊有為予道公之遺事至流涕者且曰自

今觀之不知公之功親見其初然後知公之有德於今爾其難  
而公戢之民病而公蘇之人心危而公安之子弟未學而公教  
之以情勸物以義制事不可悉數善懼者且死子孫傳之失其  
真願猶其可繪者繪於祠堂之兩廡使後世瞻餘烈而想清風  
子能爲我成而記之乎余曰天下之政神而明之不著其迹者  
公之心也取而形容先乃示人以不廣哉應曰念公之不可得  
而見也而圖其事以闕之遺老之心聊自慰亦非謂其可以盡  
公之美也蜀人之於武侯義人之於叔子魏人之於梁公愛而  
思之可謂至矣不知如吾定人之於公否也余未暇成其志而  
被召以去越明年公之子忠彥由禮部尚書以樞密直學士出  
帥於定定人望而喜曰吾家資政之子也吾之素意庶乎得矣  
繪事者遺老以爲請余嘉定人之誠心於公也故喜爲叙而書  
之雖然此獨定人之所知也至於公謀謨廟堂寤寐大計惟社  
稷之憂而忘家之憂群臣所懼身獨任之危言決策以開萬世

之福使四海內外生靈默享於太平者此公之功在天下而定  
人之所不知也大議未定公無前卻之心大勳既成公無自伐  
之色避而去之以爲榮貪而君之以爲恥時有用捨而公無輕  
重事有去來而公無得喪此公之德在天下而定人之所不知  
也定人所不能知人所不能盡余亦不能書也

新刊

國朝二百家名賢文粹卷第一百十一